



各埠近事

大同學校夏季進級記

外國學校規矩。皆於夏季放暑假。放假之前考試諸生。其學年已滿者。則授卒業文憑。未滿者則進級。其典頗為隆重。橫濱大同學校。開設已經兩年。學生精進者不少。於是本月二十二日。考試既畢。舉行進級之典。是日校長教習總理值理等。率諸生齊集。並請來賓神鞭知常君柏原文太郎君梁啓超君等來臨。坐定。中教習勞君伯燮演說。次西教習周君鑑湖以英語演說。演說既畢。諸生以次受賞。賞畢。學生總代曾廣勳宣讀祝詞。禮畢。諸教習請校長來賓值理學生等茶會。賓主清談。兩刻之久。午餐既畢。校長犬養木堂君登壇演說。勉勵學生。使日求進境。不可以一得自足。務須進而求通歐人各種學問。他日更入高等學校大學校以卒業。然後為成材云云。次神鞭知常君演說。其大意與犬養君略同。次梁君卓如演說。發明凡學生當有四種性質。一曰獨立性。二曰自重性。三曰希望性。四曰競爭性。演畢。乃入席。主客共六十餘人。坐間頻起演說。拍手懽呼。酒數巡後。主客互唱兩國 皇帝陛下萬歲。又唱大同學校萬





歲。盡權而散。

東京高等大同學校公啓

學校其國家之元氣乎。其人羣之導師乎。乃者 聖主厲精變法。百度草創。首注意於斯舉。自京師大學外。普令各行省設中學校。各府州縣設小學校。更 詔我海外。使咸喻斯意。廣建黌庠。以贊盛治。風聲遐聽。疇不踴躍鼓舞者哉。政變以來。內地學校。停廢過半。而海外忠義之士。愈增蹈厲。橫濱大同學校。負笈者蒸蒸日盛。而神戶繼之。新加坡繼之。泗水繼之。域多利繼之。其餘籌畫開辦者。各埠響應。中原文獻。盛於海隅。斯實諸君子好義急公之苦心。抑亦我國家轉弱爲強之起點也。然就學者期於大成。任事者貴在進步。合羣並舉。則聲氣易通。拾級以升。則高才益勸。故今者大同馬等學校之設。有不容緩者。蓋四端焉。橫濱學校。開設既已經年。生徒精進。成就者不少。而地方有限。教師有限。未能多分班數。故當設高等學校。使高才生以次遞升。則教者不致太勞。而學者亦易獲益。此馬等學校必宜設者一也。神戶及南洋美洲各埠。學校相繼踵設。其規模與橫濱略同。一二年後。卒業生徒。皆當遞進。不可無一校